

HISPANIA

DAMIANI A GOBS,

EQVITIS LVSITANÆ



LOVANIÆ

Excudebat Rutgerus Rescius Anno.

M. D. XLII.

CLARISSI MO EQVITI ERVDITIO.

NE ET HVMANITATE INSIGNI

D. DAMIANO A GOES PE,
TRVS NANNIVS S.

P. D.

LIBELLVM Tuum amplissime Da
miane, eo animo accepi, ut si mihi ingens
thesaurus oblat us fuisset, nec alacrior, nec hila
rior esse potuissem. Sunt mihi a te alia præcla
ra munera, sed nequaquam pari honore æsti
manda, cum illa tantum modo precij magni
tudine, dignitatem habeant, iste de ingenij tui
præstantia uenerationem mereatur. Admira
bilis ibi ordo, singulæq; res in suas classes di
stributæ sunt, quam rationem scribendi maxi
me uidetur Suetonius' adamasse. Habent in
tuo libro singula suam peculiarem stationem,
hic Regnorum uires, illic Episcoporum & Sa
traparum opes describuntur. Habent suum ca
talogum Sancti Hispani, habent uiri eruditi,
Duces quoq; bello clari in sua a te legitima a
cie cōstituti sunt. Habēt merces sua fora, quas
Hispania uel accipit, uel donat. Deniq; antipo
dum munera, quæ duplici ratiōe Hispanorum
sunt,

DAMIANS A GOES E

ques Lusitanus, Petro Nannio Lati

no apud Louanium Professori,

dignissimo, amicoq; non

uulgari, S. D.

CVM sepe numero rerum Hispanicarum
mentio inter nos amantissime Nanni in-
cidisset, multis argumētis cognoui te nondum
ijsdem satiaturum, amplio rem earum noticiam
e scriptis nostris expectare. Quamobrē opta-

tis tuis parētes, hęc tali lege tibi cu-

dere uoluimus, ut si arriuerint, le-

gas, amicisq; tuis huiusmodi

rerum noticiam cupien-

tibus communices,

si minus Vulca-

no tradas.

Vale.

HISPANIAE CVIVS NOMINA, VARI

VARIIS NOMINIBVS AMPLE

ciuntur, hæc sequens est amplitudo,
potentia, ubertasque.

DE Eius situ, latitudine, longitudine, atque poli elevatione, cum id satis inter cosmographos cõstet, nihil hic dicturi sumus, ea autem, quæ rariora sunt, explicabimus.

Nec etiam id tacituri, quod antiqui scriptores testatum olim reliquerunt, eam adhuc auri, argenti, cupri, stanni, plumbi, ferri, omniumque metallorum fodinis abundare, necnon argenti vivi, sale quoque uberrimam esse.

De frugibus non est, quod multum disceptetur, cum omnino ferax vini, olei, mellis, lactis, frumenti, fructuumque omnium sit.

Quod si aliquando te Diuo Iacobo Compostellano votis peregrinationis obstrinxeris, uelim diligenter eorum uinorum quæ ab odore, colore, sapore commendantur, delectum habeas, quo non tantum meis scriptis, sed palato tuo credas.

Primum, quod nobilius habetur, Sancti Martini dicitur. Secundum, quod huic cedere